

永樂大典卷之一萬一千九百五十四

十九梗

頂

灌頂經四

灌頂名五方龍王攝疫毒神呪經第九 聞如是一時佛遊王舍大城竹林精舍與四部弟子眷屬圍遶天龍八部悉來集會佛為說法垂欲竟時於是阿難從座而起齊整衣服稽首佛足長跪合掌而白佛言維耶離國瘴氣疾疫猛威赫赫猶如熾火中毒病者頭痛寒熱百節欲解蘇者甚少死者無數世尊大慈愍加群生願為救護使得蘇息不遭苦患病愈熱除復為說法使得至道 佛告阿難維耶離國中所以遭此疫毒病者是其國人多殺群生無有慈心以殺獵為業是諸麋鹿麋鹿禽獸熊羆之屬有智慧者作是誓願願我來世墮鬼神中願為鬼殃街火燒人有犯觸我者若殺若縛強取我者我當放火燒其山野及所居村舍於我有怨恚令被害令諸眾生不得嚴居是故阿難當化導一切令其慈仁勿殺群生普慈一切愛持禁戒行於十善若能如此可得至道 佛又告阿難其世間人遭諸火殃或燒一家乃至五三十家或燒一里乃至五三十里或燒百里

乃至五三百里。或燒千里。乃至五千萬里。如此因緣。不可稱數。與此衆生。有業緣者。必為火殃之所燒害。是故不可避藏得脫。以是因緣。勿行殺惱。化行十善。可得至道。佛又告阿難。此國中。人又網水中。龜鼈魚鼈。雜類衆生。不可稱數。而噉食之。以為美膳。諸衆生等。有智慧者。各各懷念。願我後世。墮大海中。作毒蛇龍。吐種種毒氣。猶如雲霧。以害維耶離國中人民。食我肉者。使病不死。癰黃困篤。從死得生。殺我命者。毒着便死。我今先叙。彼諸因緣。然後召五方諸大龍王。勅語之曰。莫令諸小毒龍。害於人民。各使攝毒。還其處所。解其罪福。攝取惡毒。不復為害。令一切人民。得離病惱。無復厄難。拔度生死。得涅槃道。阿難白佛。唯願速說。五方龍王名字。隨方所攝。諸小惡龍。吐惡毒氣。害於人者。使其檢校。不行諸毒。維耶離國受苦如是。唯願世尊。一一解說。令彼衆生。得脫厄難。解脫彼苦。得聞法音。佛告阿難。汝當諦聽。諦受東方青龍神王。其上首者。名曰阿脩訶。七十九龍王。典領東方小龍伴侶。七十萬億。山精雜魅。毒病厄難。皆當說其名字。護病者身。使小龍攝毒。不害病者。使身中諸毒。自然消滅。病愈熱除。平復如本。佛告那龍王。三物都路龍王。婆攬摩龍王。三物弗路龍王。因臺羅龍王。婆伽婆龍王。摩伽婆龍王。難陀那龍王。優鉢難陀龍王。脩陀利舍龍王。婆脩

只龍王。德又迦龍王。陀婁盧龍王。婆婁盧龍王。伽婁盧龍王。沙梁瞿龍王。
思利曼陀龍王。思黎乾陀龍王。思利婆栗陀奴龍王。思黎跋陀龍王。阿婆
盧龍王。思婆盧龍王。傭婆睺龍王。須彌睺龍王。傭彌弗多羅龍王。誨陀羅
弗多羅龍王。那栗陀奴龍王。伽栗陀奴龍王。苾蛇陀奴龍王。思普陀奴龍
王。婆利沙奴龍王。毗摩婁龍王。阿黎伽思黎沙龍王。婆伽黎思龍王。竭波
思利沙龍王。伽婆思黎沙龍王。無勤思黎龍王。害坻思黎沙龍王。竭陀羅
婆黎俱龍王。蛇那栗陀龍王。質多斯龍王。質多勒叉龍王。那某肯龍王。阿
羅婆婁龍王。某肯隣陀龍王。阿勒浮龍王。思黎龍王。思黎祇古龍王。攬菩
盧龍王。佛告阿難。南方赤龍神王。其上有者。名那頭化提。七五三十五
王。典領南方五十萬億諸山精魅鬼。二十萬億慙小龍輩。吐毒氣者。害於
人民。令其攝毒。莫復害人。有得病者。皆當呼此龍王名字。令諸萬姓。休息
安寧。病消熱除。龍王施命。只利彌龍王。阿那俱龍王。阿難陀婁龍王。害
多蓋朱龍王。曼陀俱龍王。水迦婁龍王。伊羅跋陀羅龍王。傷瞿龍王。阿婆
羅婁龍王。阿多但龍王。復波知多俱龍王。波羅提浮龍王。那羅那克龍王。
達波婁龍王。毗無龍王。阿勒叉龍王。思羅婆睺龍王。誨伽那龍王。思度龍
王。薄勇龍王。思陀龍王。落伽婁龍王。毗大都龍王。脩波羅坻度龍王。毗羅

婆奴龍王。陀羅難陀龍王。跋陀羅龍王。尼揭陀婆龍王。脩跋陀羅龍王。脩
梵陀羅龍王。波羅拏陀羅龍王。陀婆伽羅龍王。徒善北多俱龍王。佛告
阿難。西方白龍神王。其上百者。名曰訶婁薩又提。三七二十一龍王。典領
西方九十萬億諸小龍輩。及山精魅鬼。十二萬億。有疾急者。喚是龍王名
字之時。是諸小龍。各攝惡毒。不害萬民。長得歡樂。衆病除愈。平復如本。
徒善魯嚩多俱龍王。摩利龍王。斯為多俱龍王。阿勒多龍王。敗兜多羅龍
王。跋陀羅波兜龍王。脫頭毗龍王。安婆羅城陀龍王。半陀脩都龍王。提梨
城賴兜龍王。毗婁勒俱龍王。毗婁博叉龍王。毗舍羅摩龍王。除加某伽龍
王。旃陀婆耶龍王。習陀無那龍王。半蛇婁龍王。半蛇周婁龍王。波羅獨都
龍王。便頭龍王。優婆便頭龍王。佛告阿難。北方黑龍神王。其上百者。名
曰那業提婁。四七二十八龍王。典領北方百億諸小龍輩。及山精魅鬼。十
三萬億。毒病疾厄。恐怖之日。喚是龍王名字之時。諸小龍輩。各攝毒氣。不
復害人。萬民安樂。病苦消除。衆善積處。龍王力也。波利俱龍王。只遮尼
俱龍王。伽蛇那俱龍王。深林婆俱龍王。某栗那瞿曇龍王。某羅摩奴須龍
王。尉多羅摩菟菟龍王。阿摩菟婁龍王。佉伽婁那龍王。曼陀羅俱龍王。尉
多棋龍王。阿羅婆羅龍王。摩那摩菟龍王。毗住龍王。伊陀婆婁龍王。摩那

思龍王只羅哆俱龍王伽毗盧龍王思婆婁龍王慰波留龍王恒伽懼龍王跋陀摩菟龍王木叉俱龍王婆羅木叉龍王俱佛提龍王甘露羅思和婁龍王伊羅彌丘龍王難陀優婆難陀俞龍王佛告阿難中央黃龍神王其上前者名曰闍羅波提四七二十八龍王典領中央諸小龍輩六十萬億及山精雜魅鬼十二萬億若諸人民憂悲哀惱變作衆災水火之厄諸恠屢生應當寫上龍王名字各隨所主默除萬恠令其消滅呼是龍王名字之時是諸小龍山精雜魅即便隱毒不復害人萬民歡樂國土安寧雨澤以時民無荒亂人王喜悅稱善無量阿周都龍王波利伽留龍王脩某丘阿陀舍龍王乾陀阿婁龍王僧伽婁龍王提梨阿彌婁龍王周脩訶龍王那頭伽提那龍王訶數薩伽提龍王那僕提婁龍王那連提龍王薩迦陀耶龍王優轉薩龍王禪然薩龍王阿宿提龍王婆伽羅龍王和脩吉龍王阿那婆達多龍王薩迦陀耶那伽龍王優轉連龍王禪然薩龍王阿宿羅龍王婆伽羅龍王和脩周龍王阿那婆達龍王摩那斯龍王難陀龍王跋難陀龍王佛告阿難是為召龍王名字如是勅諸方大龍王等及山精魅鬼攝諸小龍五色之氣雲霧毒害侵陵萬民我以勅竟龍王受教魅鬼亦然便攝小龍使不行毒害於人也龍王歡喜受吾教命歡喜奉行

佛告阿難我說是五方龍神王竟於此衆中誰能施行。召五方一伯六十一諸龍王名。逐諸小龍及山精魅鬼。使攝其毒不復得行。燒於人民。使諸國土無病苦者。毒氣既除。人民歡樂。我法興隆。魔道隱閉。諸毒消滅。聖衆能化靡不受行。時佛世尊唱是語已。大衆寂然。默無言者。於是衆中有一少年比丘名曰禪提。從座而起。胡跪合掌。而白佛言。世尊。阿難。今日於大衆中請於如來。說是五方召龍神呪。世尊以說召龍王。竟欲令諸比丘輩宣天尊言。使此法言。演演世間。禪提比丘不以愚惑。今當求佛威神之力。往彼維耶離大城之中。說今如來所說龍王。無上神呪。說是語已。受天尊教。禮佛而去。於是禪提比丘往彼維耶離大國之中。教治人民。諸疾病者悉得除愈。百姓歡樂。喜慶無極。如是漸漸。國王大臣長者居士豪姓之屬悉皆供養。為起精舍。四事供養。無所乏少。人民無憂。毒氣不行。是禪提比丘住是國中二十九年。以佛世尊所說召龍摩訶神呪化導人民。悉皆奉受。常為四輩之所供養。乃至命終未曾休息。是禪提比丘命終已後。諸弟子輩以香。煎薪。焚燒其身。收取舍利。起于塔廟。禪提比丘命終之後。毒氣復興。疫病衆多。死亡無數。無人救療。是諸人民作是念言。憶我本昔有禪提比丘誦說如來召龍神呪。設有病苦。皆悉除愈。今已命過。我今遭

尼誰教我者即便奔趣往至禪提先猜舍所到彼住處見禪提比丘所將楊枝擲地成樹樹下有泉水諸人民輩即禮拜此樹如見禪提在世無異折此樹枝取下泉水還歸到家以楊柳枝拂除病者以水灑諸病人悉得休息身體清涼百病除愈於是國中國王大臣長者居士四輩人民有病苦者悉皆往彼故精舍所取此楊枝并取泉水浴洗病者灑散五方諸魔惡鬼毒氣消亡辟除衆惡萬事吉祥賢者何難語諸四輩言不但禪提比丘行是神呪有效驗也昔南天竺有一居士名求若先奉持五戒守行十善亦復誦是如來所說召龍神呪時世飢窮求若先居士遊他國土以求衣食漸漸遊行至迦羅葉國中往釋印迦羅越舍時是長者家門之中一百餘口爲此雲氣毒病所羅得病之人有死有穌居士既到諸有病者悉得除愈釋印迦羅越耳自得聞諸鬼神輩更相語言我前本時欲令此國疫氣流行病者使死不令得活今者遠方有神人居士從天竺來口中誦習如來所說召龍灌頂微妙法術我今當往無人之處攝取毒氣不能得行一鬼語言何故爾乎一鬼答言迦羅越舍車屋之中有此神人誦習呪術本欲行惠而今不能不去何待若畱住此爲彼神人之所傷害於是以後諸鬼神輩各各惶怖兩兩相牽三三相隨五五相逐馳走而去往彼

山谷無人之處各自隱藏。不現身形。從是以後。毒氣不行。國中人民有病苦者。悉得差愈。國王汎聞迦羅越。有是神人。便嚴駕車乘。往到其所。到已前拜。而問訊言。何來居士。乃有如此微妙聖術。居士答言。南天竺來。居士名何。答言。求若先王將居士。住到宮中。七日七夜。作倡妓樂。而娛樂之。設種種美膳。金銀珍寶衣服數通。而施與之。求若先居士。為王說法。示教利喜。王聞法音。喜踊無量。國中人民。無不獲福。王於是後。遂與居士。相將住到竹林精舍。禮拜世尊。作禮畢訖。却坐一面。佛為說法。王及臣民靡不歡喜。各隨本緣。悉得道迹。於是阿難。又告四眾。今佛世尊。說是灌頂。召龍神呪。不但為令維耶離也。標心乃在像法之中。千歲之末。佛法說滅。魔道興盛。當有惡王。斷滅三寶。使法言不通。壞塔。賊僧。五濁亂時。為是當來。諸眾生輩。演說此法。示於未聞。普使宣傳。流布世間。人民受者。不遭患難。眾病除愈。死得昇天。阿難又言。諸四輩弟子。若有國土。有疾厄者。橫為邪神。諸惡龍輩。及諸山精。樹火燒人。又吐惡毒。侵陵萬姓。有此災變。不吉祥時。當澡口清淨。受行齋戒。不食五辛。不得飲酒。噉肉。當禮十方佛。懸繒幡蓋。請召眾僧。一日七過。轉是召龍大神。呪經邪氣。雲除眾善。集身。解釋病者。熱毒消除。疾苦得愈。獲吉祥福。賢者阿難。又復告言。諸四輩弟子。若疾厄

之日當以香泥泥地然十方燈散雜色華燒衆名香梵要婆畢力伽沉水膠香婆香安息香等燒是香時亦能使魔隱藏不現不復害人即得吉祥萬病除愈佛說經竟四衆人民無不歡喜釋梵諸天以好香華供散佛上以爲供養阿難問佛言說是語已當何名之云何奉行佛言阿難此經名爲灌頂召龍大神呪經又名行經之人因緣本事大衆人民天龍鬼神聞經歡喜作禮奉行

灌頂施天神策經第十聞如是一時佛在因沙崛山中與千二百五十比丘俱菩薩三萬人佛爲天龍八部說法人民鬼神各隨業緣得道不同說法既竟於是梵王從座而起長跪合掌而白佛言世尊我於衆生有微因緣多歸依者又見人民悉受苦惱心中疑惑不能決了今欲承佛威神之力出梵結願一百偈頌以爲神策唯願世尊許可此事復作是言我常見諸異道輩九十五種各有雜術爲人決疑而今世尊正覺最上更無此法是故啓問唯願聽許佛言梵王善哉善哉汝能爲未來五濁惡世像法衆生多諸疑惑信邪倒見不識真正汝既慈悲欲爲說者佳也梵王我助汝喜善也梵王隨意演說梵王聞佛讚歎策經歡喜踊躍即於衆中語四輩言令我梵王承佛威神演說上經一百偈頌以示萬姓決了狐疑

知人吉凶。今以此偶。而說卦曰。若聞佛咒法。百魅皆消。形舍宅得安。隱縣官不橫生。迴向無上道。梵天常相營。仕官得高遷。世世獲佳名。既能有好志。不能卒其本。供養不專一。功德日減損。前行已不善。改更亦不晚。今悉令吉利。祿位自然反。先身無福慶。是故墮罪中。不信於三寶。輕笑慢世。雖現世獲苦惱。從此致命終。積罪如山丘。業報真無窮。若欲免福祐。懺謝燒香。帝釋常扶助。所向皆吉祥。疫毒自消除。至終無遺殃。世世享其福。生得昇天堂。恐此事不成。終為人所發。畏死非一人。哭泣彌年月。魔邪之所作。遂使從此沒。若能念三寶。更得無遺穢。汝常好情性。何故生惡惡。輕笑於沙門。謂之如寄託。世世得其報。終為邪所掠。出道逢官家。恒為吏所縛。念此少孤苦。冷僻在道門。正心相和順。勿令他主怨。報心無虧盈。祿位加子孫。安隱無疾病。當知梵天恩。既已墮罪中。又以罪懼人。殃注相連結。皆是宿世因。可共備正行。專意習精勤。保此得解脫。遠離地獄身。不欲行仁義。欺詐常為先。若入江海中。逢風不得前。蹴逆隨派浪。風波覆其船。沉溺在水中。性命豈得全。既有佳善心。又有好名祿。備於諸正行。世世蒙其福。安隱而無為。親友亦歡穆。發願無不果。所求皆應速。若欲遠治生。求覓諸財寶。莫行不善心。中路見不好。專心念於佛。疾得無上道。世世獲果報。

安隱壽得老。高作魔師教人殺衆生。苦報既無窮。一到入幽冥。邪鬼不能祐。拘橫百端生。可歸於三寶。能拔罪苦名。一子行五逆。爲汝作枷鎖。劫奪人財物。離散失骨骸。當在空野中。枯露不得埋。世世不見好。地獄中徘徊。已能有好心。便宜盡其功。何爲寂寞住。徒勞守於空。若必成其願。受報亦無窮。世世所生處。常在天人中。所遇皆不好。每每不從意。此是心不淨。故與如斯事。不肯悔其過。將欲求何冀。若能盡心持。祿宦自然至。每見不良人。裏事皆惡。好惡是罪未至。此榮非長保。一報墮地獄。出入生憂惱。世間惡劣人。意謂當至老。一身既復好。親友亦欣欣。常見梵釋衆。與之爲等隣。意業亦滋茂。道心亦日新。萬物皆有報。豈不習精勤。遂爲賊所得。剽奪失珍寶。奉法莫進退。如是致不好。從今可更改。崇敬於三寶。魔邪皆馳散。衆魅不能惱。汝昔有慈悲。割口飯賤人。羸老得救命。色力具足鮮。愍念衆生故。濟物常在貧。尋得歡樂報。當在明年春。奉法不堅意。迷惑信魔邪。邪見投衆生。百魅皆得祠。墮罪入地獄。億劫無出時。悔過於三寶。解脫無狐疑。汝欲居此宅。大凶不可止。子孫多零落。突火四面起。每每見不好。牛犢悉疫死。梵天語汝實。移可安隱耳。其福何炯炯。乃致於鳳凰。麒麟爲汝感。聖王亦來翔。雖有世無雙。諸天散華香。得報獲其功。百事皆吉祥。達心既

不清楚。天所不護。出門逢毒狼。坐自生禍。欲大小互相向。晝夜懷策。怖何不奉正真。自獲安隱度。等心施於人。獲報無窮已。相與種福田。滅割於身已。慳吝懷貪惜。坐守財物死。布施持清戒。世世從緣起。汝有往福田。後便致富貴。今現人所敬。德行亦鬱鬱。高顯而無比。衆中之大師。壽命亦延長。衆聖爲等類。汝雖有廣慶。不知念無常。作善得其福。作惡得其殃。禮拜向三寶。供養散華香。釋梵相擁護。萬事皆吉祥。是人福力多。每蒙衆神護。祈求自如意。無不安隱度。必無他險難。名聞亦流布。釋梵口所說。吉祥不相誤。汝有諸兒子。一子五逆惡。爲汝作禍災。恒爲人所薄。燒亂生罪過。魔鬼互來作疾病。不咒治。一以香湯藥。師有所言說。憶在不失亡。脩作諸福德。魔邪自消滅。但當禮三寶。正念魔敢當。今汝得財寶。然後亦吉祥。種種惡得其殃。合家悉疾病。困者非一人。乃得慮滅性。皆是先世因。所以致危命。若能悔令身。灾邪悉流逆。汝是不吉人。故使居此間。中有魔魅鬼。恒來相留連。三魂及七魄。繫縛在空山。恍惚既不定。終當墮深淵。產乳悉通利。男女皆聰明。梵天說神策。魔邪不得生。專心向正覺。禮拜無虧盈。漸漸增其福。探位自榮榮。前可寄財物。本不令生。長何忽說欺詐。過失非一兩可還。此財實造經及形像。輒生輕慢心。必當墮羅網。五逆欺君父。謂之是長保。恐此

有業報世世生煩惱意業所纏綿是以不見好。子可自改心。歸依無上道。我念汝一身飄泊在軍中。君主相護念保。今結始終入淨常獲勝。意勇必有功。此是梵天助勢力。長無窮。為人懷弊惡。坐此危身命。五逆誣君父。恒與財利競。諸天所不護。兇孫悉派逆。善當學忍辱。莫恣於情性。莫信於邪師。欺詐多誤人。但當一心念保離罪咎身。今雖見不好。後當生福因。子可悔眾穢。正覺度苦人。汝欲貨雜物。所向皆吉利。但當勤精進。財物自如意。牛馬驢羊犬長益。而昌熾疫鬼不得侵。善神為汝記。雖言奉三寶。不行恭敬心。破齋毀經戒。言輒主醜音。輕慢於神明。罪報不可任。每行不善意。死入地獄深。汝家有十人。五逆無反復。口舌相鬪亂。言音難盡究。治生不獲利。蓄養不滋茂。懷惡終不滅。梵天所不祐。大義有此人。何為江湖間。可還入親里。自然得高遷。今日雖未獲。必當在來年。家室歡且樂。然後信梵天。汝常信罪福。反作不善事。空言畏無常。無備改更意。今者意不善。便不獲吉利。梵釋語汝實。慎勿生疑思。人能奉最勝。正覺第一道。但當念經戒。魔邪不能惱。眾魔不能干。善神常相保。愛法如珠玉。入惡無不好。人欲奉三寶。歸正却眾邪。意中不理盡。魔邪悉來加。燒觸作諸悞。禍至必不賒。災耗連日生。負罪如恒沙。財物不可保。分散理無常。慳貪懷嫉妬。世世受其殃。

俗惜不布施。坐守財物。亡欲避路無從。是名不吉祥。自言信道德。精進常自守。內心懷不吉。後身望鐵鬼。罵詈無本志。謂師是老叟。傳語後世人。師恩不可負。勤修於人務。福祿及子孫。如是之報應。皆由宿世恩。出入常見好。流布於宗門。世世所生處。梵釋相誼詳。神道有大小。勿生不信心。人亦有貴賤。宿命所延任。何故助小魔。貢高發疑音。但當平等觀。子息如桂林。所求多罣礙。疾病不得愈。晝夜生憂惱。泣淚如雲雨。神策度世難。梵天之所許。齋戒備法會。心求自得叙。父母行不善。子孫多死亡。最後生一兒。復爲人所傷。孤獨無依怙。泣涕痛心腸。漸漸生不吉。尋復遇禍殃。子有好心行。奉法悲具足。君主相護念。視之如珠玉。正念皆如此。梵釋相營逐。是語皆謂順。順從心所欲。此人勤精進。持戒又具足。三歸五戒神。乃有三十六。常隨共擁護。所願無踐辱。但當脩善行。死不入地獄。迴邪奉正法。無不獲善報。壽命亦延長。財物不虛耗。世世蒙其福。吉利自然到。色力常鮮潔。吐氣亦清妙。雖欲信正覺。無有堅固本。奄忽遭禍橫。心中生退轉。邪師之所欺。殺生求增損。既不專一心。必不獲利反。夫人懷憂惱。必有不好想。財物從此散。棄滅日增長。梵天說神策。惡好無疑象。三界度苦人。解脫八羅網。殺生多天命。惡心亦如斯。剝奪人財物。唯得以爲佳。此人億劫來。今身不

自知竊盜非好名。真是不足爲事。師當如法。勿有懈怠辭。背叛設輕慢罵。苦生狐疑。灾厄從中至。卜易問良醫。禍害自然生。未有欣樂時。何不奉正覺。歸命自發露。悔過洗惡心。無不獲濟度。心行既不定。不爲神所護。宗室多死亡。夜見惡夢。寤作輒不善。還自中其身。若能歸正覺。解脫罪苦身。魔邪之所作。鬼魅之所親。僻錯好罵詈。勤起驚四隣。墮落於水中。魂魄隨浪派。作鬼屬河神。長有萍泊憂。苦誼不能堪。復還從家求。灾耗四面起。生見無盡休。前行作五逆。常不信正真。邪心逐異道。無事懷餘因。宗室相嫌恨。小語呼天神。怨對相牽引。衆墮地獄身。汝家多財物。呪咀更相欺。今日得重病。皆是宿生疑。湯藥不得行。此病不可治。大小亂相向。諸神不護之。六畜疫所害。非是人所治。皆從業緣報。綺語多所欺。不孝違師父。常自懷狐疑。一到入地獄。億劫無出期。精進莫殺生。殺者心不仁。後罪短命死。不得復人身。拘羅諸道過。苦惱不生欣。正命不放逸。專心畏於神。軍中何足貪。刀兵若在頭。四面無所見。唯有諸髑髏。但當念道德。何能爲他憂。保還得安隱。不使空勞軀。汝前取婦時。相視如鴛鴦。和合共爲家。必令保父長。不悟忽中道。便欲相夭傷。鬪諍不脫時。財物亦消亡。正覺久滅度。沙門承遺教。苦行備功德。受訓金顏貌。濁世罪衆生。輕賤爲未效。百事不吉祥。生

生諸殃考。夫欲備仁義。皆應淨心行。常念於正覺。世世不遭橫。三界拔苦惱。宗族蒙福慶。自歸無上道。所生值衆聖。常念受罪人。獲報得命天。不見好可論。拘害相纏繞。衆魔共繞試。邪心增其義。殺生祠諸鬼。業報真不少。改更歸魔道。必當破汝家。子孫多疾病。恒與官相羅。治生不得利。無事生罪愆。緣汝業行惡。誤計信於邪。所作不如法。恒與惡相連。所求垂應得。忽更致流遷。往往非一事。悉是罪所延。拘至亦不賒。必當在來年。專心既不定。夜卧生夢悟。唯見罪自纏。不見受福路。財物悉派散。傾家無歸訴。若能奉正覺。終身不遭遇。一母生十子。房室各各立。長大計業異。毫利不相及。惡愛起鬪亂。財色致憂悵。兩舌相誹謗。縣官相連習。常見愚劣人。不信於三寶。縱逆無所畏。殺生而無道。怨對自在近。不得終耆老。若能不爲此。每事無不好。今此無知人。飲毒求自活。殺生禱祠神。意怙爲恃賴。反逆不恭敬。適意以爲快。天神不替護。衆魔作禍害。車牛出入行。前後皆吉利。神母與汝願。所作悉如意。但當弘自心。勿思衆魔事。所向無罣礙。仕宦自然至。善行多恩福。祿位自顯昌。常無疾病憂。所作皆吉祥。遊處他方土。善神自扶將。親友蒙其祐。樂報真未央。疾病常除愈。魔鬼不能加。善心向三寶。福祿自無遑。功德漸漸勝。流布宗室家。正真定可脩。莫信於衆邪。但當念脩。

善慎勿行五逆。雖爲吏所呼。縣官不能責。慈心念清淨。能拔諸憂厄。如水洗塵滓。惡氣無遺跡。何忽壞道心。邪行以自立。輕慢於三寶。謂言是不急。世世受其殃。相見輒號泣。念子獲其報。地獄實難入。五逆無所知。至老無兒息。禱祠天下神。十方皆周極。遂不果其願。魔魅所隱匿。乃至世世不得所求力。忽與惡人好。致令生鬪諍。咒咀汝兒子。禍熾如火盛。遂爲灾所害。厄厄兒身命。三寶可歸心。梵天懷欽詠。念此孤遺子。一身在軍中。遠離舊鄉土。逍遙逐異風。雖在他封境。梵釋所興隆。言歸保安隱。親友亦歡顯。慎莫懷憂愁。福德至無窮。官祿自到前。更生昇天宮。咸同識宿命。皆習衆聖風。庠序而無爲。積福致興隆。莫作不善行。信義當溫厚。積財不欲施。諫言不肯受。奴婢作口舌。無事生怨咎。慳貪所結縛。竊盜言無有。汝欲結姻媾。才技不具足。既無好行迹。夫婿不拘錄。常懷輕賤心。每言輒毀辱。進退無宜禮。怨恨聲相續。何意相鬪諍。口舌紛紜生。縣官更互起。憂苦軀身嬰。悔過滅罪垢。梵釋常相營。終命昇天堂。善神悉來迎。華色不久停。會當有萎落。人生如電過。恒恐奄忽著。憂畏長時有。歡樂暫纏綿。婚娶當及時。必好莫前却。汝昔有恩福。神明所祐佐。今汝有男女。強健無軋軻。不能重脩善。還奉正道化。必當獲福利。跡行無纖汙。汝昔歸三寶。至心皆清淨。中爲